

حقوقى بىلىپلىر مجموعهسى

هر آيك اون بشنده نشر اولور

SELECTIVE
MEMBERS

۵۲ نجی ماده ده مندرج عبارتهك صوك جمله سندن مستفید اولور. الحاصل عدم وقوف و خطا آنجی بو صوك حالده صوچك اسناد قابلیتك تخفیفه بادی اولور.

استانبول عدلیه مسلك مكشي مستنطق شعبه سی

حقوق جزا معلمی آووقات

باهر

خطای عدلی

بو مسئله ملت مجلسنده مناقشه یه محل ویرمش ایدی. مسلکداشلمزدن ازمیر مبعوثی آنور بك برادریمزك بو بابده قلمه آلوب ازمیرده منتشر اناطولی غزته سنده نشرایتدیکی مقالیه بورایه درج ایدیوروز:

مطلق عدالت حالا بشریته نصیب اولمادیقندن بالعموم مقررات محاکمه اصابت مطلقه آرامق؛ حاکمیری نوادر خلقت و خوارق فطرت اولمق اوزره یتیشدیرمکی ایسته مکه مساوی بر مالیخولیادن باشقه برشی اولاماز.

او حالده نه یامعیدر، خطیئات ماده قانونیه نتیجه سنده محکوم اولمش بروطنداش ناصل قورتلرملی، اونك رنجیده ایدیلن عزت نفسی وموقع اجتماعیهی ناصل تطمین ایدملیدر؟ تصحیح قرار یولی دار؛ اعاده محاکمه بلکه وضعیت قانونیه مساعد دکلدر.

دها تشریح ایدلم: محمد اوغلی احمد اُسمنده بری وار، بو آدم قتل ایله متهمدر. وفاعل حقیقی بودر. عینی مملکتده، عینی اسمده دیگر بر معصوم انسان دها موجوددر. [استطراد: بزده عالمه اسملرینك هنوز اولما مسلك تولید ایده بیله چکی محذور لردن بریده بودر]. فاعل یرینه معصوم محکوم اولیبور؛ جلیستانیه کیدیور. محکمه تمیز، حکمی تصدیق ایتمس بولونیور. امر تحریری ایله حکمك نقض وابطالی موضوعات قانونیه ایجابجده ممکن دکل، بو وطنداش هانکی طریق ایله قورتوله جقدرد.

وهله اولاده خاطره کلن عفو خصوصی در. فقط عفو خصوصی ده جائز اولماق لازم کلیور. چونکه خصوصی عفو؛ ماهیه شایسته رأفت وعاطفت محکوملر ایچوندر.

بر محکوم؛ معلولیت دائمیه مبتلا و یا شیخوخته واصل اولمش، اونک ادامۀ محبوسیتی
ایچون آرتق بر فائده اجتماعیه قالماشدر. بو آدمی کندی دردیه همدرد و هم حال راقق
بر لازمه انسانیتدر. بو دنیاتک هر طرفده بویهدر. فقط مادی بر خطا یوزندن محکوم
اولش بر آدمک وضعیتی بوکا اصلا شبیه دکلدر، شیمدی قارشیه زده کی محکوم:

— بن سزک عفو و مرتکززه محتاج دکم، بن هیئت اجتماعیه کزک ناحق یره
محکوم ایتدیکی بر آدم بونی ازاله ایدک!

ده بور. کورولویور که حادثه مزده بر «عفو و عاطفت» دکل؛ «ازالۀ مغدوریت»
و «اعادۀ شرف و حیثیت» مسئله سی موضوع بخندر. صو کرا؛ بحق دوشونمیدر که «عفو
خصوصی» جزایی اسقاط ایدر، فقط جرمنی ازاله ایتمز. بو صورتله نائل عفو اولان
آدم ینه هیئت اجتماعیه آراسنده تمیز و یوکسک آیلنه کزه مز، حالا شائبه دار.
حالبوکه: حقسز یره محکوم اولان زوالی ده اصلا شائبه اولمادیغندن «عفو خصوصی»
ایله و نتایج حقوقیه سیله علاقه می اولماز. ده صو کرا؛ بو آدجغز خلاصنی تأمین
ایدنجه قدر بوشی بوشنه بر قاچ سنه موقوف قالمش ایسه مادی و معنوی ضرر لرینی
ناصل تلافی ایده جکمز؟ هر علم کبی علم حقوقک ده بزده هنوز تمامیه انکشاف ایده موش
بر صفحه سی ده بودر.

بر چاره حل وارد اولایلیر. بو «عفو خصوصی» به «عفو عمومی» ماهیت حقوقیه سنی
بخش ایتک!، یعنی «کافۀ نتایج قانونیه سیله برلکده» دیه رک بو آدمک مغدوریتی
قالدیر مق. لکن بونک ده حقوق نظریاتنده یری یوقدر غالباً... چونکه قانون؛ بزه
«خصوصی» و «عمومی» دیه ایکی دورلو عفودن بحث ایدم بیلور.. آلت طرفی ناموجود!.
عجبا مطلقیت و مشروطیت دورلرنده بو خطالر واقع دکل اییدی؟ هیچ شبهه یوق، همده
کثرتله اولوردی. اغلب احتمال ایله محتملدر که خطیئات مذکور «عفو خصوصی» یولیه
ازاله ایدلمکده اییدی. فقط عرض ایتدیکم کبی بوبولده تطمین وجدان و اظهار معصومیت
ایده جک مرتبه ده دکلدر.

او حالحه بو مشکلی حل ایچون تشدیلات اساسیه قانوننه مراجعت ایده جکمز.

قانونک یکر می آلتنجی ماده سی شویه در:

« بویوک ملت مجلسی احکام شرعیہ نک تنفیذی، قوانینک وضعی، تعدیلی، تفسیری، فسخ والغاسی، دولترلہ مقالولہ، معاہدہ وصلح عقدی، حرب اعلانی، موازنہ عمومیہ مالیہ ودولتک عموم حساب قانونلرینک تدقیق وتصدیق، مسکوکات ضربی، انحصار ومالی تمہدی متضمن مناولات وامتیازاتک تصدیق وفسخ، عمومی و خصوصی عفو اعلانی، جزالک تخفیف وتحویلی، تحقیقات ومجازات قانونیہ نک تأجیلی، محکمہ لردن صادر اولوب قطعیت کسب ایتمش اولان اعدام حکملرینک انفاذی کبی وظائف بالذات کنندی ایضا ایدر..»

کورولبورکہ بویوک ملت مجلسی ملت نامہ حق حاکمیتی استعمال ایتمکده وبو خصوصہ ملتک یکانہ وحقیقی نمثلی بولونمقدهدر. مادہ قانونیہ؛ «کبی» ادات تشبیهی ایلہ حقوق حکمرانی بی تقيید ایتمه مش؛ فقرات سابقہ ایلہ حقوق مذکورہ جملہ سیندن اولانلری تعداد ایتمشدر. شو حالده بر آدمک اعلام قطعی ایلہ وبغیر حق محکومتی تحقّق ایتدیکی زمان «عفو خصوصی» طریقہ کتیمه رک قرارلری و مضابط تفسیریه سی حکم قانون قوتندہ بولونان مجلس عالینک کافہ نتایج قانونیہ سیلہ دوعروندن دوعرویه بر «رفع حکم» قراری اتخاذ ایلمی موافق ومصیب اولور. بو قرارک مادہ قانونیہ صورتندہ ویا قرار شکندہ اولمسنده بالصبح هیچ بر فرق یوقدر. یالکز صوک بر مسئلہ قالیور: بو آدم حبس خانده طول مدت موقوف قالمش ایسه ضررلری فاصل تلافی ایدیلہ جکدر.. بعض مملکتلرده دولت؛ مغدوره پاره ویریور وبو صورتلہ ضررینی قسماً اولسون تلافی ایدہ بیلیور. بو شکل؛ بزدهده تطبیق ایدلسه فنا اولماز. فقط هر شیدن اول بودجه مسئله سیدر وبالطبع بمشردن خارجدر.

ازمیر معوقی

انور